

Selami masalah pendudukan, sosio ekonomi masyarakat pedalaman

# UMS jelajah sekolah luar bandar

Um 6/7/2011 26

Oleh **HISYAMUDDIN AYUB**  
utusanabah@utusan.com.my

**TELUPID** 5 Julai - Seramai 35 peserta terdiri daripada 22 guru besar yang terlibat dengan Program Khas Pensiswazahan Guru Besar (PKPGB) Universiti Malaysia Sabah (UMS), lima wakil Biro Tata Negara (BTN) dan lapan sukarelawan UMS menyertai Program Outreach Penangah di sini, baru-baru ini.

Penyelaras program, Dr. Khalid Johari berkata, program empat hari itu bertujuan menyelami permasalahan pendidikan di luar bandar, selain membantu mempertingkatkan

kan kualiti pendidikan dan sosio ekonomi masyarakat pedalaman.

Katanya, pelbagai aktiviti dilaksanakan termasuk kemahiran kraf-tangan, pemakanan seimbang, pendidikan ibu bapa, riadah, sukaneka, interaksi sosial, kebudayaan dan peluang-peluang pendidikan lanjutan.

Menurutnya, beberapa isu juga berjaya dikenal pasti yang memerlukan perubahan pada masa depan bagi memastikan pembangunan pendidikan luar bandar seiring dengan kemajuan dikecapi pada masa ini.

"Antara isu yang dikenal pasti

adalah kemudahan pengangkutan yang masih teruk, bilangan penerima bantuan e-Kasih, Kumpulan Wang Amanah Pelajar Miskin dan program perumahan rakyat termiskin," katanya di sini.

Seramai 48 pelajar dari Sekolah Kebangsaan (SK) Penangah dan SK Saguon turut menyertai program itu.

Kampung Penangah terletak kira-kira 72 kilometer dari Pekan Telupid dan laluan memasuki kampung tersebut terpaksa melalui jalan tidak berturap yang mengambil masa hampir empat jam untuk sampai.

Khalid berkata, program tersebut turut memberi peluang kepada pelajar memupuk budaya berani berhadapan dengan komuniti luar dan membina keyakinan diri dengan potensi diri sendiri.

Selain itu, katanya, golongan pendidik PKPGB menabur bakti dengan mengadakan aktiviti kemasyarakatan dengan membimbing pelajar dalam mata pelajaran matematik, bahasa Inggeris dan sains.

"Aktiviti kemasyarakatan yang dinamakan 'Learning Math One' dan Ujian Pra-Matematik Kertas 2 yang dikendalikan oleh wakil PK-

PGB amat bermanfaat kepada pelajar yang sukar mendapat kemudahan alat bantu mengajar," katanya.

Tambahnya, warga pendidik SK Penangah turut mengadakan aktiviti gotong-royong mencerikan pusat sumber sekolah tersebut dengan mengecat semula dinding, menambah mural, menampal kata-kata motivasi dan menyusun atur perabot.

Khalid berkata, golongan ibu bapa juga tidak dilupakan apabila mereka diberi ceramah oleh wakil BTN mengenai kepentingan pendidikan untuk masa depan anak-anak.